

弱

水

集

弱水集卷七

五言律

蒲城屈

復悔翁著

曾孫

來泰志同錄

長洲馬

璞授礪

仁和周世涵德容

評受業

校

武陵陳長鎮宗五

吳縣吳宗元乾英

謁問官祠

秋風吹皂帽獨謁問官祠座上巋驚竄階前犬自嬉金  
天無舊史百代有先師鳳鳥懷微響蒼苔拭斷碑

冬夜

冬夜蘭陵客其如鄉夢何堂高虛戶牖雪霽澹星河四  
海袁安宅三秦織女梭天寒羣犬吠應怪獨悲歌

元日

西向長安拜遙看亦當還淚諳思故國愁解過新年曉  
日椒花裏春城柏酒邊吾生三十一鵲鵲在何天

聞醉雪上人歿

結茅如斗大四壁盡余詩錫近飛何處人猶夢舊時探  
梅晨梵早烹雪晚鐘遲已矣名山約飄零負汝期

懷孫扶蒼

飄泊無今日安知獨厚余典衣沽雪夜賒米炆水厨古  
寺時相問逢人強歎譽此情天下薄遙拜洛陽廬

舟發臺庄

三百已卯  
秋水漲

水濶盡南天滄桑在目前昔來曾策馬今過已乘船處  
處浮禾黍村村煮鮪鱸黃頭笑指點昨日一囊錢  
月黑星能照隣舟竝纜行兩帆風力大一路水光明無  
限買山意皆爲浮海情迷津不可問約畧是南征  
雲流連海岱雪浪暗淮揚舟楫有超越東南交混茫蟲  
鳴疑近岸犬吠是何鄉真欲乘槎去飄飄日月傍

重過傾蓋亭

魯甸仍荒野鄉封尚故圻  
竭來無侶客重過舊時亭  
素紵孤雲白長松一蓋青  
交情終不泯古道感飄零

秋夜送友人還江南

蕭瑟秋先覺歸期月早知扁舟真不住江水渡何時風  
響酒闌葉燭明談後棋閉門長策好最妬是蛾眉

送友人還江陰

秋色下江陰秋高江水深掛帆聞鴈處作客送君心橘  
柚輸官稅溪山盡日尋亦知歸便得感歎一長吟

辛巳元日

客散山村夕猶聞爆竹聲兒童春戲罷海岱晚烟生爐  
燼水初得燭殘鷄未鳴東風合行役星斗倚簷楹

月

夜半荒村月他鄉卧處明微風吹夢去似水照愁生雲

葉秋空得天華暑氣清卽今高鴈路萬里好孤征

秋夜有懷

夜深秋氣淺炎熱鬱雲堆古樹聞高響涼風不下來蚊  
聲雷院落螢火電莓苔欲就西園去披襟待雨回

夜集杜元理齋中分韻

風吹原上樹葉落此檐端秋氣夜如許艸堂杯未闌黃  
花承露靜缺月下窗寒莫話明朝事良時自古難

看梅花

老梅著花處石路浴清湍幽賞春無跡遙從竹外看誰  
家吹玉笛深夜倚欄干月出嶧陽樹空山香霧寒

登高

萬里登高眼千山故國心西風吹不轉北鴈寄哀音  
落幾時把菊花何處尋望鄉寧此日力盡白雲深  
吾邑桑落酒

和黃建標曉雪

南窗氣虛白灑灑落寒聲開戶捲簾坐隨風幽處明  
雀飛梅忽瘦人起徑初成爲問羊孚意何如向曙情

懷黃建標

濟南有佳士竹裏掩柴關時向古亭去心知流水閒  
露融花底月春淡雨中山近日思風度何人最往還

自閱緒餘集

啖字撐枵腹城愁繞石腸澄清時不達貧賤語應狂雪  
氣人冬暖炎蒸雨夏涼輕舟渡涇渭春夢濟沅湘

聞鴈

荒村廿六夜月色照窗明孤客正愁思艸堂聞鴈鳴朔  
風天際落遠野凍痕生雲影寒相引隣鷄下五更

陳思王墓

昔誦三良詠深悲八斗才樵人上邱隴黃鳥有餘哀尚  
憶當塗事曾經疑塚來何如聞梵處月照著書臺

放歌



弱水集

卷七 五言得

四

不知千古上何者是英雄信步九州內因之安困窮濯  
纓銀漢水連袂玉虛宮夾道生瓊樹羣仙拜下風

辛丑除夕

門外見空柳中懷左伯桃北風吹雨雪歲暮寒山高有  
客逢除夕無家對濁醪故人索逋急方欲典綈袍

煨火

煨火荒村夜添薪口自吹凍鬚經焰落鄉淚應烟垂蟾  
影淡窺牖鷄聲寒出籬不眠燼猶撥恐有再然時

對雪 二首

薄暮回風急山空雪打門寒雲低不動乾雀凍猶喧歲

月迫殘臘鄉關迷斷魂梅花香發未高卧且休論  
向夜飄空滿寒深欲閉門燭殘遙見落風定不聞喧何  
事來蔥嶺通宵冷夢魂偶然憶淮蔡事久豈堪論

登岳陽樓

社題

千里洞庭水高樓古岳陽東南浮帝座宇宙宛中央無  
地容閒步何天有故鄉纔思展驥足把筆憶滄桑

代作贈陝督

聖主新元化登壇屬上公南山消積雪北斗起春風一  
德乾坤正三苗日月一作諸番中雨露通人知清父子河海奠

西東

齊魯古蹟

有序

東魯夫子之居三齊太公之國摩肩擊轂霸俗  
常聞定樂剛詩雅情斯在邁春秋而獨往滄海  
日高冒風雨以長吟岱宗雲起曠觀天下超出  
方壺山水能言必詔史公遊覽聖賢可作須知  
工部咏懷詩  
二十二首

孔子廟

神州宏廟貌曉日化春光檜古發新葉門高登舊堂和  
風三代遠時雨百花香拜罷觀車服悠然數仞牆

馬陵山

有序

吾邑無水田地瘠稅重民貧邑北有白水縣南  
河卽昔漆水也鑿嶺十里可灌田萬餘頃俗其  
有瘠乎吏憚役大且務非切已水經注禹鑿馬  
陵以通泲水今無任事者遺跡竊有感焉

陵卧橫殘照河流入斷山桃花波浪湧硤石性情頑鄉  
遠無歸處春來負我閒頻游神禹跡亦是鑿龍關

### 滄浪淵

滄浪一夜雨春野欲成河直得尼山賞長吟孺子歌落  
花浮遠影飛絮蘸清波不濯塵纓去其如濁水何

### 君山

削成翠微頂聞道多閒田抱犢斷青壁呼龍耕紫煙種  
來療饑艸茹罷成飛仙欲上苦無具樵蘇何事還

### 范式墓

嘉祥青艸路古墓有餘情春風嘶白馬芳樹嘯流鶯翻

覆忽雲雨夢魂無死生異代金蘭契空山拜巨卿

范蠡湖

俗傳陶朱公養魚處

身退營魚渚曾輕少伯金睛湖何淺淺過雨忽沈沈鷗鷺閒相對鷓鴣發遠吟卧薪人不易秋水是知心

嶧山

峻極經遊覽玲瓏氣象分語聲諸洞響樵火數峰雲耻與鹿麋侶何妨鸞鶴羣商山避秦意猶近李斯文

孟嘗君墓

數里無樵採人傳古薛城空琴風樹韻啼鳥夜鷄鳴蘋薦當春暮花殘動客情三齊一抔土彈鋏晚煙生

嶽雲樓

城與樓俱盡今登杜甫臺風騷餘有韻齊魯望初開  
過中原去雲飛秦嶽來遙憐洞庭水詣絕挾天才

諸葛城

點也暮春詠武侯梁父吟隣封偏異代親炙更何心  
人去佳禾秀墟留茂樹陰躬耕舍此地猶自少知音

看得太深  
恐未必然

散金臺

滿地生瑤艸黃金歸賜時古臺曾散矣平野尚延之  
殖多三致官高幾四知諸君如過此應笑三疏癡

無鹽城

靈秀君王后春城四國瞻風吹雉堞盡雨洗鳳山尖花  
木張雲錦鬚眉愧鏡奩從來惜傾國誰不棄無鹽

桃花澗

人謂驚春暮桃陰葉已繁山顏紅雨影水媚綠煙痕魯  
酒村能釀近郊問家胡麻種易蕃閒情有天地從此住

仙源

清涼洞

偶到清涼界飄然水月仙三花和露採四閣抱風眠却  
傾來時逕烘如煮海烟洞天三十六大野獨凄然

漆園

蝴蝶寒無夢鯢魚化未名空園閉弔古吏隱莫相輕河  
北艸花落曹南秋水生逍遙偏得地遠我著書情

獲麟臺

玉書來闕里已歎出非時筆絕文斯在臺空到已遲幽  
蘭與衆伍生艸遍天涯幸此春秋跡從來未有辭

太湖

海內清香國蓮花水半城扁舟當日午六月自風清岸  
隔仙源界煙消市肆聲西湖無限好望古結微情

歷山



歷山驚露白城郭水雲端艸木餘耕稼鷹鷂盡鳳鸞秋  
增東嶽秀氣與七橋寒萬里人煙外蒼梧夕照殘

百花橋

橋外霏成霧湖平水不流鶯啼千樹柳人過百花洲此  
地多名士高城出畫樓香雲化爲雨點點落春愁

羊祜城

卽其故里俗名楊柳店蓋訛祜  
爲祜又訛羊祜店爲楊柳也

厚德無今古羊公有里門名訛楊柳店城是夕陽村滄  
海北環濶泰山南面尊往來雄地理靈鍾幾公孫

於陵

於陵非孟氏遺俗亦清嘉鷓鴣無斯肉村墟但續麻春

多黃李樹邑鮮萬鍾家爲問泉中蚓何如井底蛙

論創

高唐

齊右無遺韻綿駒今不忘斯人能化俗舉世稔高唐客  
過瞻虛宇風清是繞梁善歌猶小技終擅白雲鄉

魯仲連射書處

塵埃有高士獨識帝秦非昔日射書處斯人何所希燕  
齊秋雨霽海岳陣雲飛不發聊城箭乾坤一布衣

峒嵒

荒山寒亂落沙路迫期程飲識茅柴熟

一作稀熬

尖疑卒律

煎餅生水烟淨越雋秋色上燕京來往寧無事悠悠海嶠

情俗謂野食口  
尖猶稍食也

宿遷關

客帆齊落橫關一索欄隨人爭野泊人夜始晨餐燈  
影波中漾河聲枕上寒無錢乞巡吏三日繫沙灘

洪澤湖遇風

衆流奔魯甸一氣混山陽倒海驚風動轟雷陷日光平  
生舟楫意漂泊水雲鄉長嘯過洪澤同舟怨楚狂

經下邳懷張子房

蕭蕭圯上樹圯下水空流棲鳥波心宿游魚木杪浮誰  
聞黃石畧不逐赤松遊自惜經過晚英風徐泗秋

萬古英風說  
得尋常甚

勝下橋

英雄時未遇勝下亦堪憐  
春艸秋仍綠霜橋水獨玄  
風雲爭戰日叱咤散寒烟  
漂母今何處相逢盡少年

淮安道中

清淮河下水到海復何歸  
黃石山頭艸經霜墜素輝  
授書成虎嘯垂釣亦龍飛  
同逐西風盡無時安可希

千金亭

舉世無知己空亭費獨尋  
如何懷一飯瑣細報千金  
夕照留漁網酸風薄葦林  
總令酬有地艸露滴秋心

南昌亭

亭逐晨炊盡徒令遠客傷千金如昨日西出又南昌王  
子依劉表馮生托孟嘗百錢無可贈獨立看斜陽

下邳

濟世求田舍空言百尺樓青霄高卧處銀漢繞牀流淮  
海餘豪氣雲霞結暮秋目前多國士河水咽新愁

行次海州

青山數千仞開道盡桃花處處惟秋色層層落暮霞雲  
臺背水氣蓬島住誰家只可田橫國言尋泛海槎

漂母祠

淮水色陰陰春流萬丈深哀憐情一往祠樹響寒音方  
下堦除拜旋銷凍餒心榜人催棹發風雨起空林

重過漂母祠

不受王孫餓安知漂母情年年春艸綠樹樹杜鵑鳴  
猶是饑寒性依然海岳行誰無他日志淮水繞祠清

高郵州

人烟寒夾岸波浪渺天隅不識高郵縣今過甓社湖  
震雷龍化鯉野火夜如珠此地多靈爽張王昔有無

邵伯

蓮房秋水色荷葉晚香寒粟豆遙通越帆檣密接邗波

喧舟幕市煙沸客朝餐至此詩書盡西風冷羽翰

盡字勝

賤字

煙花集守凍

摧冰空鑿井倚棹待樵蘇路盡煙花集人居白玉壺巾  
車山斷野策馬海環衢好是平生事曾經就陸無

打水

十月膠河浦垂頭看釣筒欲開蘭榭路先碎水晶宮  
膈膊當心裂葫蘆徹底空椎秦雖壯士欽此衆英風

高郵州阻風

霜風三十度記得過高郵蛋酒今名品

皮蛋皮酒  
時有名  
孫秦

昔勝流雲寒如釀雪凌蹙僅通舟河伯知人意連朝贈  
石尤

孫莘老奉少  
游俱州人

邵伯守風

方守高郵凍又離邵伯風萬舟翻虎穴三日撼蛟宮飄  
泊記前度往來成老翁有懷終未騁號怒問蒼穹

至揚州

歲暮多風雪重來廿四橋一舟如斗大十里與天遙行  
李冰增重征衣溼自燎珠簾歌吹路古寺度寒宵

蜀岡

蜀岡新雨綠麗日更相宜汲井魚鳧水尋芳愛敬陂江



山猶勝跡歌舞是阿誰閒殺支離叟登臨念所之

紅橋

一灣螺子黛滿地落蓮花步過紅橋上舟停綠水涯  
流鶯欺客語楊柳向風斜人醉連三月春遊幾萬家

平山堂

古堂本疏豁覽古有餘清舉目金陵近橫江紫氣生  
風流聞昔晏花鳥莫相驚豈不懷賢達萋萋春艸情

二十四橋

不信繁華地曾無廿四橋三分明月夜十里玉人簫  
客夢高回枕邗江暮湧潮一城春似海忽向靜中消

芍藥

台鼎亦無種揚州金帶圍花香前事異人讌素心誰只  
可移黃閣偏宜對紫薇一枝逢不易寂寞殿春輝

迷樓

層樓懸寶帳何處問千門出入雲霞外  
花紛倒影野水落餘痕咫尺雷塘路長迷夜月魂

瓜州

瓜州空故壘人代幾殘陽浪擊佛狸去燕來林木荒巍  
然城百雉今在水中央四海爲家日扁舟古戰場

啞子飲水冷暖自知難爲讀者耳

贈詠公 四首

諸寺盛金碧茲林成久要蒼苔連壁綠近樹借煙遙偶  
坐日中雨如聞江上潮蕪城鹽買地何意絕塵囂  
正當無人處牆陰花亂開薄言送春去猶自生香來清  
磬邁雲影儼烏親石臺了然面空壁我憶何郎梅  
篋劍清風在無勞感廢興惜茲利名路有箇水雪消  
屐江都廟披襟煬帝陵載書容聽法分與佛前燈  
動卽北來寺晚涼登眺殊城高蜀嶺斷野曠江雲孤  
客指新月相期煨紫芋逝將別君去春水在水壺

董子祠

江都拜祠宇遺像肅衣冠曉日春風暖荒堦古柏寒  
人千歲後日月五雲端感愧通靈筆威儀識漢官

木蘭院

欲尋木蘭院言過梵王家屋角明金字煙籠舊碧紗長  
饑遊子意清韻衲僧茶齋後鐘鳴否閒看老樹花

瓊花觀

下觀春無跡瓊花露影涼天宮漁秀色人世艷餘香渺  
渺飛仙子冥冥羽景堂不逢移洛下榮悴是維揚

結不  
易解

東閣

寒瘦予情性何郎吟望時重來猶此路前度最相思雪  
裏開東閣春光見一枝憑欄無處所香月莫須知

雲山閣

呂守中秋日人間有二難如何孤客過寥落九霄端詩  
酒流江水雲山倚石欄蕭蕭明月夜二十四橋寒

投金灘

投金猶有灘一葉渡秋陰豈少浣紗女其如行路心魚  
龍潛永夜星斗落長吟泉下欲誰報風清江水深

浣紗女祠

滿祠紅葉樹長染浣紗秋雪浪追兵勢蘆花乞食愁簾

閒看翠羽檐外聽江流仙矣金何用英雄薦未休

又過北來寺

三年不相見猶著舊衲

一作生

衣古寺臨官渡鑪香掩竹

扉江喧新雨過院靜野花稀送我登舟去長吟帶月歸

已酉生日

四首

風雨變陰晴漂流安此生夜來明太甲曉起暗長庚人  
日飛騰過花時汗漫輕竹西歌吹路閒望舊神京

海內念相惜征途逢早春金花遂成舊白首只如新雲  
貼撐犁重兵連可汗真難消童僕拜萬里一閒身

風始有花信江山春正寒欲開三兩朶已被雪霜殘按

紙談兵易知幾學易難流鶯啼莫早把酒不成歡  
幾回病垂死今日早梅前再至容何遜餘生許伏虔  
香心似月瘦骨火勝綿好在芳菲候枯榮豈偶然

儀真渡江

昭明臺上雨風落溼征衫萬里橫江水孤舟掠石帆  
書何處讀破浪爲誰緘椎碎青山好長令精衛啣

月

無復家山月觴飛白露溥今宵輪未滿他日夢猶寒  
渡銀河淡風吹玉漏殘平生少骨肉誰爲倚欄干

別姑蘇寓齋

幾日南窗下今登北上舟琴書閒可玩珠桂久堪愁僅  
了滄浪願一到滄浪亭曾無鄧尉遊有情感蜂蟻遮逕似相  
留

自邯鄲西入山行 二十四首

斷石壓欹橋霜寒疲馬驕山行方半日旅次已連宵燕  
趙正秋盡邯鄲回首遙前林今夕夢應得到漁樵  
官道結籬落一家成一村豆棚未除蔓棗實曬當門力  
作田家苦秋成野碓喧自言濁酒熟立飲倚雲根  
峯勢逐雲暗溪光和月新紛紛落殘葉颼颼如有人客  
館掃空榻吾廬安此身夜深轉不寐伏櫪馬嘶頻



易知錄 卷十  
嵐叢罷樵響石罅挂松根寒日淡將夕客途誰共言每  
隨紅葉樹吟過菊花村歲序有時暮吾生何所論

除却飯河漏長饑何所餐兼珍諸葛菜大嚼水晶寒蝸

廬啣翠幄土銼媚危巒此行頗不俗肉食滿雲端

菽麵用木

鉢子壓成圓細  
條煮食名河漏

一寒今至此搖落晉山南野逕桃花馬佳人玳瑁簪相  
逢未相識深揖復深談舊好每相念悲秋良所甘

忽驚馬蹄疾秋老夕陽微寸艸皆成實幽禽自在飛牧  
兒採崖蜜遊子未寒衣伊呂豈能慕巢由安可希

馬歇下危磴山寒加緼袍美人在何處空谷亦徒勞留

我玉跳脫贈誰金錯刀榛苓猶可採其奈隔林臯

山轉逢鄉市人煙自一村鬻薪惟落葉羣博聚高原飯

我牛宮下移牀鳥矢痕忍饑就前路遙遙笑語喧

墟落早休市若爲人語哢遊僧貪戲佛少婦怨尋橦免

蹶關山路烏開宇宙牕誰知小村塢風浪險長江

游僧登臺

假而具作諸佛羅漢勢唱佛曲曰佛戲乞金錢不遂則爭鬪又路逢少婦緣橦者頗有色逞伎畢坐竿頭對衆呼其夫曰我爲汝博金錢已多不勝此苦今去矣夫叩頭流血衆亦譁婦微笑曰決矣投地而死

夕陽問前路新月已如如客館峰迴近樵人語不虛暮

禽先去馬

唐句

邨釀偶逢魚豈進王孫食清光一鑒予

溪橫路忽窮峰轉騎才通仙去白雲外洞開紅葉中花

寒香有露果熟落無風何必採靈藥漂漂滄海東

賽神震金鼓停午動山凹兒童喧牛壑布帛曳紅旂亂  
驚鷄偏剝疑是虎咆哮茲歲占豐稔田園已盡拋

豆葉酸猶食參軍布裹椿征行隨淡薄風俗喜淳龐嵐

湧扶高棟雲飛護綺牕一鄉奢儉異徒步過平砭參軍  
椿見

郭說

谷中惟牯犝峰半盡孺親屬國歸何恨伏波牧有涯茲

山應可煉古法問靈媧搔首天如墜秋風吹艸萑

老翁隨馬後兒勸道傍莎地界遙相讓沙平淨似磨滄

桑皆汰俗淳朴尚三河如有循良吏安能遂倒戈翁負  
把隨

行拾馬後數里忽住  
立又一人出如前

石路陶佳月迴風動地聞旋吹秦塞雨傾倒晉山雲歇  
馬逢岩戶晨餐待夕曛腥塵暫一洗此日出層氛  
數日荒村宿茲堂疑近郊短牆築黃壤低宇結香茅春  
帖紅猶在秋杭白可杪終須到城市一夕靜喧譁

不走晉山道安知風味佳餅香如白雪菜色壓金釵漠  
漠煙籠樹瀟瀟水濺崖客行會心處馬上飲茅柴

青帘隔溪出渴意欲吞江淺淡燒春字欹斜蘚石在兒  
戲恐驚馬客來遙吠龙何如飲桑落山外卽吾邦

懶叱王陽馭堪誅庾信茅峰迴天忽合寺遠磬初敲居

者掩蓬戶行人傍鳥巢煙霞動高興長嘯下巖叅  
五更賴殘月驅馬上高原碧落亦何曠青山堪與言誰  
當問前路犬吠隔遙村若無採樵者山家方閉門  
計程半千里馬過幾巉巖此役究何事淒風吹葛衫嶺  
峻方徐轡梁歆更緊啣人生不得志辛苦亦何嫌  
崎嶇一旬盡馬骨已全非暫到晨尖處如從久客歸山  
風多獵獵秋雨易霏霏却望方來逕愁心滿翠微

壺關道中

羣岫圍空濶知爲古戰場迴風旋馬首曲坂過羊腸雨  
夜鬼應哭秋陰天早涼真堪控河朔山水尚蒼蒼

沁州

郭外沁流遠秋來見底清  
臨風暫時歇向夕寒陰生  
不識綿山路空過甲水城  
懷賢一以眺野燒至今明

介休縣

介休明曉日孤客動離魂  
艸沒文侯墓雲迷有道門  
但能存舊俗何用辨方言  
倏忽西風起遙連北斗昏

郭林宗墓

士食中郎字人言有道阡  
逢時猶漢代曠野拜寒煙  
雲斷洛陽渡艸荒綿上田  
平生角巾淚此日到重泉

一到字通

篇俱動

晚次平遙縣

陰符碑在否樵檣暮禽還弔古將投宿臨風暫解顏城  
高夕陽樹路繞麗臺山豈少書千卷孤燈且掩關

過孝義縣

蒲縣羊羔酒難澆馬足塵悲歌且一醉秋色如青春地  
是溫泉水音非故里人揚鞭向何處暫與阮家隣

汾州府

秋盡古西河人隨鴈影過蒼山原峭拔美俗近如何閣  
人雲霄直香生酒肆多昔賢遺教在汾水有清波

汾陽道中 二首

數日辭危徑西河冷客星雲邊踏衰艸又入亂峰青天  
斷嘶鴻鴈原荒叫鵲鴿予生少兄弟駐馬幾回聽  
霜重冷於雪煙寒濃似雲暗泉天外響鳴鴈地中聞行  
止從衣溼高深畏日曛綠林有豪客可與古同羣

三個  
景奇

### 將至寧鄉縣

山盡數千里始見離石峯西風下微雪十月似深冬往  
者水何淡歲寒人未逢看看城郭近仙令在臨邛

### 昭新安

遠燈引夕路雲密暗寧鄉五載一相見依然蘭蕙香歡



言酌春酒飛雪集山堂宦况冷如此素心終不忘

過齊雲嶺

雲裏極顛近峰陰寒日低三休路方半東山陽已西人  
經風偃直馬入雪行迷何事谷中鳥猶如春晝啼

山行失道林壑深處破屋兩楹土牀瓦釜炊烟未  
息呼之無應者從騎追及良久乃還

不覺獨行遠茅廬寒水濱桶中疑有婦谷口本無鄰門  
對數峰雪煙留丹鼎春殘陽在屋角回首隔紅塵

景真情  
在景中

話舊

西窗燭影圓孔李亦忘年人語石樓雪月涼山寺煙通  
家諸子姪來者盡豪賢此意足千古寒風曉漏前

新安與吾族叔同甲戌進士是歲五月偶遇洛陽寺  
松月夜涼同人咸集新安及之予曰有五不可薄水  
相逕一處貧爲語二遺笑鄉里三人貴自立四年家  
無伯叔五也若以文章道義交則可必年誼請勿復  
敢見矣新安變色曰是何言也我亦有志千古者遂  
定交已卯冬仲夜在石樓署雪中圍爐曰吾子姪堅  
持年誼不肯降行輩喻  
再四不從話舊達旦

寧鄉署中卽事 五首

松梢罨殘雪半嶺放琪花海上石林樹山中仙令衙佳  
蔬來異縣寒夜泛流霞此意誰能頌荒城數十家

諸蔬  
果皆

買自汾  
陽縣

弱水集

卷七 五言律

五

無日不清話病中猶夜闌每吟予近作自說頓加餐迴  
樽勸童僕此地方歲寒主人恕簡畧累汝共艱難  
衙署晚蒼蒼風吹階艸荒故人情不薄寒夜漏何長檐  
鐸似相語燈花如有香逢時無遠畧涸轍盡他鄉  
殘灰尋隙入敗葉何聽敲暫歇公堂鼓能如艸野茅黑  
風折庭樹黃鶴棲雲梢萬里高飛去幽林何處巢  
去住尋常事燈前束我書介山雖有雪汾水豈無魚歸  
路風雪斷寒宵院宇虛不知膠漆事惜與故人疎

早發

官衙鷄一鳴傳箭出孤城路暗行人少山寒積雪明狐

裘方有贈虎跡不須驚驅馬思前事深勞貝錦成

汾陽道中至此十三首合  
讀之交情謔口鎔鍊俱見

### 趙邨度歲

一村繁郡邑度歲識情真朝朝餐沍辣處處醉燒春土  
食家仍舊財雄戶尚新方知俗淳朴過客亦忘貧

猪首凍鷄凍佐燒酒大蒜食之名沍辣淡月日飲五  
七家半此物也 予與胡劉二君同行有張翁者禮  
恭甚二君荅半揖又數招予飲皆辭予問  
之曰亦百萬金新發戶耳其輕忽如此

### 天井關

兩界中分處春開天井關光風遊四海落照滿東山沙  
雪昔原白鶯花今尚閒勒銘殊未遂留夢水雲間

弱水集卷八

五言律

蒲城屈

復悔翁著

曾孫

來泰志同錄

長洲馬

璞授疇

滿洲勒爾勤信亭

武陵陳長鎮宗五

評受業

同邑陳裔虞述韶

校

金陵古蹟

二十四首有序

六朝故都城郭宮室如結騎臨春芳樂華林尤  
麗絕於時已酉尋遊問所謂遺蹟者斷瓦殘石  
煙消雨寂矣予因海飄零吟情有在聽斷岸之  
春流覽江南之艸色山川如故千里淒然目所  
未極心已極焉豈爲  
彼泉下一置喙哉

石頭城

虎踞心相許春遊不可望風雲符王氣日月鑄明光二

水深滄海三山似洛陽江頭孤燕子潮落暮煙涼

虎踞有何心望  
有何不可幻甚

古都城

江聲楊柳岸六代一烏啼粉堞春風盡清光夜月低心  
還隨綠水步已上金堤無限鍾山樹陰陰望欲迷

落星岡

崇岡堪痛飲茂樹感華零錦綺曾沾酒藍縷平上落星  
心知門舊白眼與艸新青醉後驚風雨春遊愧獨醒

秦淮

歸船成故事元夜舊知名

國初諸先輩元夜  
於此作燈船行

未到秦淮

渡光含玉樹情春流今不返江月向來明  
六代繁華盡  
瀟瀟是此聲

新林浦

西南將出浦落日漾江天風送官樓鼓雲飛估客船  
長吟懷謝眺無酒醉青蓮回首金陵路春流月正圓

大功坊

事見吳梅村集  
卞玉京彈琴歌

女牆一百里無處不斜曛忽過中山第猶飛暮雨雲  
野花開且落芳艸死應芬夢斷春何在鵲啼客獨聞

西浦

江上波初綠天空艸又芳廣寒無蛺蝶春水有鴛鴦  
露

碧珠千樹山青玉一方閒情向西浦愁殺杜蘭香

食鱗魚

鍾山靈雨歇銀鬣上洪瀾時薦百神響網來朱夏寒江  
聲催後浪鹽賈已先餐烹就停雙筯誰家白玉盤

白鷺洲

八公山艸木能挫土王堅白鷺洲波浪難爲鐵鎖船中  
興悲晉代突起蹴吳天一水分流去滔滔更不還

新亭

新亭休極目千里盡平蕪風景今殊昔河山有亦無洛  
陽空化馬江左弔夷吾滿地看春艸閒花泣露珠



晉尚有  
人也

### 華林園

濛濛魚知樂林泉鳥意馴  
當前無故物何處更親人  
花集芙蓉幄苔鋪翡翠茵  
會心如不遠幽賞自然春

### 臺城

遊數人頻歇鍾山舊帝畿  
風流無小艸雨潤長春薇  
白馬來何疾金仙可救饑  
至今畱百雉地下一飯依

### 景陽井

一片胭脂色殘陽映落霞  
銀牀飛落葉素綆汲空華  
尚有一雲中兔長窺水底蛙  
可憐千載後無井著吳娃

後主猶落  
得一井

草堂

門對鍾山樹周顒舊艸堂由來朝市路近接水雲鄉猿  
鶴多相怨魚龍貴兩忘移文移不盡一箇衛承莊

神武門

何事陶弘景朝衣挂此門茯苓非妙藥蓬戶閑崑崙江  
冷魚龍夜塵飛日月昏白雲是微物無可贈當關

半山亭

中原全盛日堪著半山亭松竹于霄節詩書毒世經雲  
來依舊黑苗長是新青身退猶亾宋題詩此勒銘

東山

一名土山

江左移山力，愚情慕謝安。  
甲兵驅艸木，家世盛芝蘭。  
天塹有船渡，土花冲斗寒。  
登臨對孤影，柳絮見才難。

雨花臺

佛經空萬卷，酒渴上遺臺。  
石好留茶肆，人喧話劫灰。  
天花隨講去，法雨不飛來。  
生世逢梁武，江郎筆漫開。

多茶肆

西州門

醉後花千樹，羊曇不再遊。  
山邱無近信，江海注新愁。  
別墅春還在，園碁局未收。  
胸中滿天淚，終古一西州。

勞勞亭

天下傷心處

太白句

春風可獨經重來李花白幾度柳條

青旦旦生膠漆勞勞死醉醒相悲不忍別我與此空亭

雞鳴山

高館雞鳴起心香一瓣回艸深微有露風起捲殘灰此  
地鐘聲動當時御道開人間桃李落莫問倚雲栽

金城柳

十圍綠玉樹手自種金城何事婆娑下無端涕泗橫絲  
絲飛乳燕葉葉轉春鶯髀肉堪回首梟雄盡有情

烏衣巷

朱雀夕陽愁烏衣續勝遊炊烟生白屋冥色赴青樓王

謝家何在秦淮水自流只應雙燕子長說晉春秋

莫愁湖

閒愁空自老來問莫愁家湖溢有時酒春情何處賒夢

魂搖雨漿

一作桂楫

風露採蓮花誤殺佳名字城西水一涯

金陵古蹟獨以  
莫愁結有餘味

林和靖祠墓

處士高祠墓春風薦酒漿雲增湖水秀雨帶落梅香鶴  
去空山在鶯啼過客傷人生逢聖代泉石易流芳

道院東樓見桃花

久下三茅榻東樓更隱花開窗當獨樹向夕散餘霞咫尺

尺猶遺此湖山豈有涯他年前度客落實是丹砂

雨

三春雲不斷乍見夕陽明雨又來何處風回舊此聲  
畫梁樓語燕高柳坐愁鶯蕭索吳山下人家住水城

暮還

每期湖上宿又逐晚風還細雨應非暮輕陰更可憐  
水平微有浪山暝漸成煙解此真幽賞誰能便放船

餘姚縣

雉堞夾流水

縣雨城

舟停潮上初才華懷往昔羽翼滿亨

衢出市蔬惟筍行人食有魚文成功不再棹發更踟躇

西樓卽席畱別諸同人

聚會俱難定西樓醉易成長歌當痛哭短笛盡離聲  
山雨來何疾湖煙漲已平孤帆今夜月江上對新晴

吳山卜肆訪陳予聞不值

市倚山腰聚幽居市肆中榻留孤客坐簾隔萬緣空  
雲氣生江樹潮聲落海風泛湖應未返遠望桂花叢

吳山第一峰

落日吳山上天空萬象分湖煙晴作雨海氣暮成雲  
客久交遊冷秋高道路紛所嗟逢勝槩猝別若離羣

靈隱寺納涼

避暑從初地盤回到上頭西湖好風日三伏處松楸金  
逐琴書盡人長汗漫遊涼風兼勝槩且玩冷泉流

天童寺雜詩

十五首寺昔在東谷今移西谷遊天童者舟停中院然後登山二十里乃

寺至

蒼松二十里六月遠遊人古寺雖非晉炎風似避秦舟  
停花是兩院靜石無塵苦茗初相引先輕物外身

王安石  
石天

童寺詩二十里松行欲盡青山擎出梵王宮

嶺判炎涼界修篁蔭一亭地鎔朝日綠天入亂山青瘦  
石芙蓉葉幽花翡翠翎心先身到寺流水過階庭

寺門門外水吼雪出清關

橋

更向浮雲外飄然一鳥還



遮天惟有樹拔地似無山  
鐘磬傳新響高僧已覺閒  
太白高仍秀龍潭碧似苔  
蔦蘿續危逕劫火上雲堆  
已樹擁羣峰去泉飛驟雨來  
香風飄不墮應信野花開  
掩書盡徐步路逐清溪長  
山外有飛鳥寺中無夕陽  
雨多石生菌鐘罷僧焚香  
歸來尚回首岩邊風露涼  
地到東南盡山圍殿閣斜  
清霄浮海色墜石繫藤花  
不訪蓬萊宅空留祇樹家  
中原千萬里來聽暮啼鴉  
一雨連長夏虛堂晝掩扉  
苔侵孤客榻雲溼定僧衣  
林鳥水邊墮池魚山半飛  
遙遙寺門外秔稻事應非  
身閒惟獨坐行亦雨紛紛  
屋外無多地堦前盡是雲  
加

餐野蔬少積溼樺香薰水鶴新來此哀鳴似念羣

山中焚樺

樹根薰  
溼氣

叢林空谷裏城市數峰西地狹軒楹密雲深咫尺迷急  
流鷗不浴直木鵲方棲幸絕時人耳朱絃可自攜  
亦有雲歸夕猶疑水滿天月明松影瘦風定鼓聲圓習  
靜難求侶新涼不忍眠身名兩無著豈少好林泉  
夜氣隨時變朝花踏翠行雙池各受月衆嶺自爲城倚  
樹常粘蟻垂簾巧入螢有僧靜如此一院落巖聲  
十里斷樵採四山成茂林秋苔青更綠渾水淺疑深蝶  
引花邊路蜂隨竹下吟若無雨月雨又費幾幽尋

未補諸天漏朝陽亦照檐秋花開水曲古樹裏山尖  
艸纖登雲履筒燒煮腐鹽山中用澹竹貯瀆鹽火燒三數日撈豆腐如泥加鹽入瓷器火  
煎食香烈端能分此意泉石定無嫌

老僧大寂處乃在南山崖塔上三生石庭前一樹花淡  
雲浮翠竹流影具袈裟莫更匆匆去泉香火是茶

中興金粟地方外有英賢水劫因龍造山光與佛連感  
茲新歲月留賞舊林泉題沒梁間字思陵第幾年萬曆十五年  
年寺沒於水崇禎間密雲禪師重造今僧家稱中興焉

同東川何元鼎登小天童晚雲樓

天自隘東谷登樓蒼翠間力稀危磴怯雲薄夕陽還出

岫何霖雨經秋逗海關憑欄同此意悔別舊青山

僧院

老猶隨地客僧院靜如緘黠鼠學蛩語癡蜂賴雀啣先  
秋涼積雨未夕暗蒼巖水濶南風正長江有布帆

獨往南山過道傍酒家飲

谷轉逕新埧溪橋更向南生衣沾艸露密竹隱茅庵酒  
飲籬邊石香浮雨後嵐再來迷處所隔水認僧龕

中秋

深山無六月古寺又中秋何處堪乘興溪邊明月樓桂  
連山影落風帶淡雲流故國蒼茫外清光天際頭

眞際庵

晉義興禪師  
初結茅處

未有天童寺先來結此庵至今趺坐處猶著老僧籠客  
以遊山過泉因注竹甘小畱幽意愜面壁看晴嵐

九日懷何元鼎

殘寺寂無賴普陀猶未歸秋深心病劇老至菊花非海  
濶日如練山孤風滿衣登高不同賞竹下閉禪扉

擬遊雪竇不果

人傳紅葉寺

寺在柏樹中

路出白雲邊不去非多病重來豈

少年何爲名雪竇獨立望江船

必由此路

五嶽週遊者囊中

自有錢

唐人句

次何元鼎送別原韻

頭白纔相見河梁雪滿衣莫論年少淺方信歲寒稀江  
路遠將夕布帆孤易飛猿鳴三峽水君又幾時歸

送別

附

誰復論經濟蕭然一布衣東南今到海詞賦亦知稀獨  
欲畱雲住深慚看鶴飛孤舟滿江雪相勸且遲歸

坐空明榭對蓮池望景山一帶宮殿

拈得  
一先

荷葉香秋水山光古榭前日高宮殿影心滿鏡湖天嘶  
馬聞疎柳漁童過小船薰風有代謝臨眺獨蕭然

寄友人監牧塞外

閉門涼滿榻露墜葛衣心沙磧艸應白帝城秋更陰天  
孤嘶馬澗風急旅鴻暗同是未歸客遙情何處深

白帶山雲居寺

山來駐雲際古寺雲高扁我意有流水寒泉浮石亭暑  
消千樹綠天剩一痕青鐘磬聲俱寂堆書更滿庭

溪中石

一片溪中石天然綠玉牀日斜向山坐風定生晚涼花  
落夕陰遠悠然流水香青松與楊柳冷冷共清光

寺夜聞虎嘯

岩月長含露澗雲生漲溪鄉心天一線禪室夢三迷雖

有虎時嘯幸無猿夜啼松門問前路渺渺西山西

香樹巷

滿谷生香樹陰陰石徑斜天光煙際葉鳥語澗邊花古  
屋凝寒色虛簷宿晚霞無人此中住風雨結雲華

又自東華門早行至護國寺

每過利名地人自利名羣車馬急如昨風塵寒更聞城  
中北渚霧城外西山雲百貨陳無地喧喧凌紫氛

荷池坐月

限韻

一谷煙成水看看漫艸亭淡雲浮躍鯉高柳帶疎星心  
與荷香定風交夕醉醒人閒池上月相對眼偏青



五日同人宴集 五首

七載端陽節重來古帝畿眼中新角黍身上舊生衣雨

歇雲猶暗風清暑乍微神交原有道蒲酒已光輝

得衣字

庭北有琦樹迎風方向榮花花復葉葉對酒壯心驚白

日紅塵客青蒲紫禁城明年更何處回首負平生

得榮字

著書種香艸歲月不堪論艾虎關何事蒲人亦在門金

波麗鵠鵲暑氣生蘭蓀持此燕山酒難招楚水魂

得蓀字

天外倚長劍筆端飛海鯨驅雲來上苑吐氣壓西京敢

以予寒瘦而當君性情菖蒲花有葉耐可但聞名

得名字

此地已經歲浮雲長在空每懷逢令節能不感薰風人

在科名外天高燕市中五絲萬千縷好繫夕陽紅

得紅字

送門人王松友之楚幕

有序

王偉元云卿學不足以底身吾學不足以底卿  
松友此行書記翩翩非縣役比夫君子之學運  
籌決策排難解紛否則艸衣木食漱石枕流而  
已時既不與地迴天高寂於跡而不寂於心心  
非所行行非所學學非所授則役等耳然謀人  
者忠其事曾子三省焉况楚國江湖浩大吳越  
上流固可游覽松友勉夫

雍正十三年八月朔三日

無德能留汝秋深乍遠征西風涼鴈路南望羨魚情黃  
鶴樓頭月三苗徼外營勉將書記事百感負平生

晤表姪雷孝廉竝讀哭予之作

此會意中事

孝廉計偕

心疑胡大驚秋風吹夢覺落月聽猿

鳴長路豈殊死幾人能再生知音徧湖海方得見交情

附錄 四首

相見旋成別芸窗夢裏人燕吳無定所涇渭忽迷津黃

石何知漢梁鴻

一作商山不向一作葬

秦轉疑傳鵬鳥淚盡恐

非真

湖海無經濟誰知魯仲連窮途聊復爾大雅亦徒然桑

梓初鳴鳳乾坤一杜鵑有懷終未遂杳杳是何天

卽論採香艸舉目恨層層忽落天中月誰開暗室燈

有誰

騷全唐詩選諸解明四家詩選王漁洋詩註並未梓

遺文在何處故里望行滕海

內多知己幾人淚滿膺

况與吾先子芝蘭本一香自憐生較晚不及見同行幸  
有巨源在言能文季忘西州他日路風雪到漁陽

初謝于燕

舍山客

喜晤

附

燕山生死別驚定盡訛言細語翻疑夢秋風吹斷魂天  
心工涕淚吾道豈沉淪所愧空相勸深宜歸故園

送登華嶽

君問真源去嗟予老未還蓮花壓仙掌鐵鎖響空山進

步春風事回心俗子顏

青柯坪大書英雄進步  
又大書回心石三字

燕京一

樽酒遙羨入函關

乙卯除夕

四度燕山客今宵又五過心孤天雨雪歲盡意如何聚  
飲人初散當歡恨已多梅花與屠狗不悟兩蹉跎

和傷斃犬

汝惜小黃犬予情亦所思如拳解人意搖尾更誰嬉夜  
吠金鈴月風吹花影時重來歲云暮感物有餘悲

又和斃馬

黃犬猶微物驍駒何處歸愁予徒步遠載酒看山稀日  
色寒如此浮雲寂不飛無爲嗟伏櫪萬事與心違

賈島祠

冰雪西山盡清風白日寒  
長江萬餘里遺廟猶桑乾  
雅韻在蒼翠荆榛悲鳳鸞  
有金誰復鑄樵唱起雲端

房山道中

一旬雲霧窟魂夢湛清華  
月過枕喧瀑香來松雨花  
此身怨猿鶴前路漸塵沙  
情思不同返幽人山水家

醉一字題十二首和友人韻

未敢希劉阮偶然金叵羅  
歲華自流轉人事復如何  
看劍花前舞攤書燭下歌  
此鄉有真意風雨亦來過

問

年年桑落酒歲歲菊花枝  
又對西山坐還與靜者期  
無

心雲去晚恬翼鳥飛遲睡足客窗下羲皇以上時

忙

心飛逐歸鳥猶恐後人羣滾滾長江水飄飄古塞雲舟  
車千萬里跋涉正平分何意來還去途遙白晝曛

哭

自古傷心處深山啼杜鵑窮途聊復爾此日更凄然萬  
里風雲氣九原松柏烟一作畫角吹寒雨雲根咽石泉血流向空盡誰  
與致纏綿

笑

拈花向誰是絕倒白雲間偶爾來燕市依然在雪山夜

識金銀氣心懷揖讓班信是王平子風流不可攀

病

空抱相如渴今悲漢武年艱難供藥餌風雨卧幽燕有  
志未能騁無家何處還一貧頭白盡倚杖客窗前

迷

深山來上國極目亂雲屯紫陌連三市紅塵遍九門縱  
橫那可辨風雨不堪論白露園陵道潛消七聖魂

悟

清明桃李新微雨泥煙塵寂寂掃花逕蕭蕭無俗人不  
言對芳艸獨立玩游鱗別有會心處蓬蓬生遠春



愁

羌笛梅花落胡笳半夜鳴雲間沙磧成雪外漢家營圓  
月搗衣罷深閨終曉明予心適無事何限古今情

夢

三清十二樓一一碧空浮香案玉皇側蟠桃王母留東  
窗方睡覺白日照春愁真有華胥分何時夜不遊

喜

春風換啼鳥吹入曉窗紗遠競玉關雪都成梁苑花故  
人愛初景微雨到寒家此日鄉山裏新歸兩鬢華

恨

夕日淪荒漠沈沈更不回魯陽杳何處精衛忽飛來  
顥顥黃沙粒莖莖白艸芟寸心寄難盡雪沒李陵臺

捫蝨二首

白日滔滔去年來視漸昏無人搔背癢有蝨就燈捫  
天假車輪日風清犢鼻褌縱橫當世務此夜與誰論  
乘我殘衣袂經冬長子孫須除此種蠹燈暗血無痕  
素習蠱博拙難求鳥爪捫吾將具湯沐花氣漸氤氲

送人之巴陵巡檢鹿角司

華燈照殘雪逸思屬揚舲鹿角之官舍春風滿洞庭  
艸痕衣上綠山色水中青漁戶堪沽酒司漁舟數十戶卑棲莫獨

醒

重陽前二日同人宴集咏芝限韻

秋入商山路煌煌見一枝採隨仙侶後餐近菊英時風  
露初相引煙霞非所私齋房他日奏莫忘療吾飢

喜雨 分韻

飛颺無停焰塵沙盡日黃三春今夕雨撲鼻土生香電  
掣天如墜雷驚地欲翔神功忽已寂禾黍晚蒼蒼

客心

客心靜如水客被有稜侵老信秋如此醒嫌病不禁何  
爲風力大能礙月輪深萬里黃沙塞天寒雪正沉

瀑水邨閒居

青山雲出岫紅樹鳥啼花階下清溪轉門前一逕斜  
方將就塲圃相與話桑麻日暮不歸去言尋賣酒家

月

月好偏宜客清光不要殘烏啼思繞樹鴈叫振飛翰  
湖海徒相賞家鄉亦獨看永懷諒難盡露墜角聲寒

岳觀察在甘山署中聞道路傳悔翁已死者哭以  
詩四首予讀而和之

自古有哀些誰能吟再生新詩投宿艸客子在燕京沙  
磧堅冰跡秋空夜雨聲道山如不返

東坡事

安得見君情

甘山五千里盧水又重來予時又至燕滿目易交者况予生  
後哉黃金高斗極白首走塵埃輕薄應相笑翻多此一  
哀

那能一時死且緩少微愁萬里風雲會餘生老病休龍  
蛇他歲在宇宙此身浮莫忘喬元約真悲宋玉秋

渡海無坡老騎鯨有謫仙世人皆欲殺

杜少陵句

終古兩名

賢鸞鶴翔雲漢鷓鴣飲石泉何能遠相附俯仰愧瑤篇

鐵嶺李君自獄中寄書及詩兼贈手鐫石印稱許

過當且素不辦感其義高重友道率成十首

小艸生幽谷歎譽安可希如何傳尺素珍重出園扉杵

白猶相定琴舟便不歸

張翰事

論交皆有處此地古今稀

何似陰鏗句長吟日欲斜朔風吹塞鴈香月落梅花坐

失三秦路遊無萬里家勞君遠相贈自分委泥沙

槐棘曾無意萍蓬少定居玉章何所用金粟是新除

印文

云金粟布衣

如斗懸誰肘行窩豈徹廬寄言捉刀者萬事計

全疎

文名高北斗公望起東山管樂知難比塵埃久是間何

人先見許枯樹不堪攀留得青山在君今暫閉關

暗中安可識塵外豈能忘底事收元禮何時起孔璋身

名飛野馬日月老亡羊無路尋春夢神交亦渺茫

湯網開堪計人情感久要少年有車笠此日上雲霄流  
水潺潺注楊花處處飄白頭果相賞咫尺寄書遙

奇文易按劍况復鄒陽珠我本欽奇者君猶博奕乎咏  
蟬當晚歲悲鳳在窮途相隔書難授何能一字無

日麗金臺夕霜寧六月寒簪纓通北極沈范許南冠郢  
雪愁成曲騷人漫築壇傳聞有焦尾古調復誰彈

朱生慚把臂中散思同羣命駕今何適酬知昔有聞江  
湖萍泛梗歲月艾如雲况復吾衰矣佯狂更憶君

從此豐城氣青霄望幾回心知金鎖合眼見鐵門開

初二十六兩日開  
獄門放被禁家口曉月燕山墮春風渭水來坐觀直鉤

者信有復然灰

琛亭統領爲朱邸來聘辭謝

惠風拂霜艸寒作蕙蘭香遙謝一樽醴將爲千里裝閒  
門擁積雪晨井凍空牀舉世漫相識予情終不忘

賞菊有序

春花秋月同人屢集蘭雪堂鴈飛雲散已十載  
矣今復會此歡晏竟夕乾隆元年十月五日也  
分韻得  
春字

香好開宜晚清歌記小春

雍正元年晏集予賦菊  
花屏風歌又賦三絕句那知

重醉處猶是咏花人升沈沙塞雪

侍郎屢使塞外員外  
使遼東又觀察甘州

郎中謫戍  
歸化城

風露玉京塵

予與雷溪  
居士適來

佳色應相感枝枝葉



更新

附郎中詩

晚節不知春樽開此會真賞仍三逕色同是兩朝人雲  
路秋宜鴈侍郎督漕運觀察將復職香風舊逸塵雷溪有官不仕金粟近辭博學鴻詞  
名自憐愛花蝶歸夢塞垣身

酬楊進士幼清留別

承恩不在貌唐句我惜漢宮春屢保薦竟未館選戰勝好歸去詩  
成如有神桃花與流水何日是通津後約須相待天涯

七十人

送彌甥原念聖任遼東刑部郎中

丁巳臘月

兩月話高遠

諸葛武侯與外孫書志期高遠

一朝邊塞行雪霜又如此

桑梓尚含情上藥人獲近空厨鹿尾輕所期意難盡絃  
誦得刑清

集目耕軒遲友人不至

馬省曾遊路新吟復此堂重來仍舊侶

十年吟社只此數人不爨

有餘香又是西山夕初添一線長罵人無二妙轉覺北  
風涼

乙卯冬大赦諒李子得釋喜賦

百艸活春雨幽蘭寧獨鋤逢人述往事映雪讀前書始  
可瞻芝宇將無枉敝廬曾聞籍家後渺渺更愁予

生日

七十身猶在還鄉未有期柳條方弄色穀日又增悲已  
不先爲客寧徒過嫁時心長憐髮短醉飽復何辭

岳焦園觀察寄書及詩次韻

隴梅著花未書寄玉京人客况何須問官高尚且貧江  
南多桂樹時予將之江南漢北有陽春願灑墨池水爲霖芳艸

頻

王式之明府寄丹砂

修文杳天末八十客長安瘴癘非吾望冰霜近且寒丹  
砂衰老重鴻雁稻糧難萬里情如此開封只獨看

東園次朱鹿園韻

東園聯夙約遊理自無邊寺隔琅玕曲風清玉樹前  
吟尋至味烹茗汲新泉忽聽西鄰磬鐘聲落晚烟

和唐天門太史咏絮帽韵

元好問詩  
沙汀絮帽  
衡風日再經

衝風惟賴汝獨步寒江漬但得頭臚煖寧知手足皸  
歸會挂神武彈肯汚晴雲歲晚全高節佳名漢代聞